



**ԱՌԱՋՆՈՐԴԱՐԱՆ ՀԱՅՈՑ**  
**ՀԻՄՆԻՍԱՅԻՆ ԱՄԵՐԻԿԱՅԻ ԱՐԵՒՍՏԵԱՆ ԹԵՄԻ**  
**WESTERN PRELACY**  
**OF THE ARMENIAN APOSTOLIC CHURCH OF AMERICA**  
**H.E. ARCHBISHOP MOUSHEGH MARDIROSSIAN, PRELATE**  
Tel: 818-248-7737/8, Fax: 818-248-7745  
E-mail: [Prelacy@aol.com](mailto:Prelacy@aol.com) Website: [www.westernprelacy.org](http://www.westernprelacy.org)



**ՀԱՅԱՍՏԱՆ ՈՒՍԱԳՆԱՑՈՒԹԵԼԷ ԱՌԱՋ**

**ԱԶԳ. Վ. ԵՒ Ա. ՇԱՍԼԵԱՆ ՎԱՐԺԱՐԱՆԻ ԱԲԱՐՏԱԿԱՆ ԿԱՐԳԻ  
ԱՇԱԿԵՐՏՆԵՐԸ Ս. ՀԱՂՈՐԴՈՒԹԻՒՆ ՍՏԱՑԱՆ ԱԶԳ.  
ԱՌԱՋՆՈՐԴԱՐԱՆԻ ՄԱՏՐԱՆ ՄԷՋ**

Ազգ. Վ. Ե. Ա. վարժարանի տնօրենն ու ուսուցիչները Չորեքշաբթի, 21 Մայիսին, գեղեցիկ աւանդութեան մը սկիզբը դրին, երբ վարժարանի աւարտական կարգի աշակերտները առաջնորդեցին Ազգային Առաջնորդարան, որպէսզի Հայաստան ուղեւորութենէ առաջ, Ս. Տրդատ եւ Ս. Աշխէն մատրան մէջ Ս. Հաղորդութիւն ստանան Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեանի ձեռամբ:

Խորքին մէջ, այս այցելութիւնը նախաքայլը եղաւ աշակերտներուն Հայաստան ուխտագնացութեան, որովհետեւ աւելի քան 60 աշակերտ եւ ուսուցիչ հետիոտն կտրեցին վարժարանէն Առաջնորդարան տանող ճամբան:

Ազգ. Առաջնորդարանի մուտքին, Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեան, կողքին ունենալով Արժ. Տ. Վազգէն Քհնյ. Աթմաճեանը, դիմաւորեց աշակերտներն ու դաստիարակները. անոնք զանգակատուն-յուշակոթողին առջեւ միասնաբար խմբանկար մը ունեցան: Ապա, աշակերտները ուղղուեցան «Ս. Տրդատ եւ Ս. Աշխէն» մատուռ, ուր Առաջնորդ Սրբազանը պատգամ մը տուաւ աշակերտներուն: Ան օրհնեց աշակերտները եւ յաջողութիւն մաղթեց անոնց. ապա նկատել տուաւ, որ մենք ամէն օր աղօթքով կը սկսինք մեր աշխատանքներուն, որպէսզի Աստուած յաջողութիւն պարգեւէ մեզի, նոյնպէս ալ, երբ կը պատարասուիք Հայաստան ճամբորդելու, ահաւասիկ եկած էք աղօթքով ու Ս. Հաղորդութիւն ստանալով զօրանալու այս ճամբորդութեան համար: Ս. Հաղորդութիւն ստացողը Աստուծոյ ներկայութիւնը կ'ապրի իր եւութեան մէջ, կը ստանայ երկնային օրհնութիւն: «Դուք շուտով մայր հայրենիք պիտի երթաք, Հայաստանի օդը, արեւը, ջուրն ու հողը պիտի զօրացնեն Ձեզ, մեր հայրերուն հաւատքը պայծառութիւն պիտի բերէ ձեր կեանքին»: Վերջապէս, Առաջնորդ Սրբազանը բարի ճանապարհ մաղթեց աշակերտներուն, եւ յոյս յայտնեց, որ այս ուխտագնացութիւնը նոր եռանդ պարգեւէ իրենց:

Ապա տեղի ունեցաւ խոստովանանքի ու Ս. Հաղորդութեան արարողութիւնը, որմէ ետք, աշակերտները նախաճաշեցին

Առաջնորդարանի շրջափակին մեջ, ապա՝ համախմբուեցան «Տիգրան Եւ Չարուհի Տէր Ղազարեան» սրահին մեջ, ուր տեղի ունեցաւ գողտրիկ հանդիսութիւն մը:

Երեք աշակերտներ դաշնակի վրայ նուագեցին, վարժարանին տնօրէնը՝ Տիար Վազգէն Մատենլեան կատարեց անակնկալ մը, իր կարգին երաժշտական կտոր մը ներկայացնելով: Ապա, Առաջնորդ Սրբազանին վերընտրութիւնը շնորհաւորելով՝ աշակերտները գեղեցիկ խաչ մը նուիրեցին անոր: Առաջնորդ Սրբազանը, իր կարգին, Ազգ. Առաջնորդարանը խորհրդանշող յուշանուէր մը յանձնեց աշակերտներուն, իբրեւ նուէր՝ դպրոցին:

Սօտաւորապէս երկու ժամ տեւած այս իւրայատուկ ուխտագնացութիւնը վերջ գտաւ հաւաքական աղօթքով ու «Կիլիկիա»ի խմբերգումով:

## **V. & A. CHAMLIAN STUDENTS RECEIVE HOLY COMMUNION AT THE PRELACY CHAPEL**

On the morning of Wednesday, May 21<sup>st</sup>, the principal and teachers of Vahan and Anoush Chamlian School accompanied the graduating class of 2008 to the Prelacy to receive Holy Communion by H.E. Archbishop Moushegh Mardirossian, Prelate, at the “St. Dertad and St. Ashkhen” Chapel, prior to their upcoming trip to Armenia.

The students, principal, and teachers, were greeted by H.E. Archbishop Moushegh Mardirossian, Prelate, and Rev. Fr. Vazken Atmajian, and then headed to the bell tower monument for a group picture. The students were then led to the “St. Dertad and St. Ashkhen” Chapel where the Prelate conveyed his blessings and message. He noted that just as we begin each day by praying to God to guide us in our daily endeavors, they had come to pray and to receive Holy Communion and the Lord’s blessings as they embark on their pilgrimage to Armenia. The Prelate concluded by wishing them a safe trip, and then offered Holy Communion.

Following breakfast, the students gathered at the “Dikran and Zarouhie Der Ghazarian” Hall where three students and Principal Vazken Madenlian performed on the piano. The students congratulated the Prelate on his re-election and presented him with a cross-stone, followed by the Prelate presenting the students with a memento as a gift to the school.

The visit came to an end with prayer and the singing of “Giligia”.